

Náttúrufræðistofnun Íslands
Borgum við Norðurslóð
600 Akureyri

Reykjavík, 1. mars 2023
UST202302-289/P.V.B.
09.04.00

Efni: Leyfi til rannsókna á friðlýstum svæðum

Umhverfisstofnun hefur mótttekið umsókn Náttúrufræðistofnunar Íslands, dagsett 20. febrúar 2023 um leyfi til rannsókna og að lenda þyrlu innan Hornstranda.

Hornstrandir eru friðlýstar sem friðland sbr. auglýsing nr. 332/1985. Mannvirkjagerð öll, jarðrask og önnur breyting á landi, svo og undan landi allt að 60 föðmum (115m) frá stórstraumsfjörumáli, er háð leyfi Umhverfisstofnunar. Umferð vélknúinna farartækja utan vega og merktra slóða er bönnuð, nema leyfi Umhverfisstofnunar komi til. Samkvæmt stjórnunar- og verndaráætlun friðlandsins er óheimilt að lenda þyrlum innan friðlandsins, nema að fengnu leyfi Umhverfisstofnunar.

Lýsing verkefnis:

Sótt er um leyfi til að flytja vísindamenn og búnað að Sandvíkurvatni við Kjögur í Fljótavík. Til vara myndi þyrlan lenda á láglandi í Fljótavík, neðan vatnsins. Tilgangur ferðarinnar er að afla setsýna úr botni Sandvíkurvatns. Markmiðið er vinna ýmsar greiningar á setkjarnanum og lesa úr þeim sögu umhverfis- og jöklabreytinga á austanverðum Vestfjörðum. Tekin yrðu 1-2 setsýni úr vatninu. Kort sem sýnir áætlaða flugleið þyrlunar og landingartaði fylgdi með umsókn. Að verkefninu koma 3 starfsmenn. Gert er ráð fyrir að um dagsferð sé að ræða og færi hún fram á tímabilinu 29. mars til 2. apríl 2023.

Áhrifamat:

Umhverfisstofnun metur verkefni verkefni ekki líklegt til að hafa neikvæð áhrifa á náttúrufar eða verndargildi svæðisins sé farið eftir skilyrðum leyfisins. Um er að ræða rannsókn sem er til þess fallin að auka verðmæti svæðisins. Fáir gestir eru á svæðinu á því tímabili sem rannsóknin myndi fara fram og því ólíklegt að þeir verði varir við þyrluna nema rétt þegar hún flýgur inn á svæðið.

Skilyrði:

Umhverfisstofnun veitir Náttúrufræðistofnunar Íslands fyrir sitt leyti leyfi til rannsókna og landingu þyrlu innan Hornstranda sbr. lýsingu hér að ofan á tímabilinu 29. mars til 2. apríl 2023 að uppfylltum eftirfarandi skilyrðum:

- Tilkynna skal til starfsmanns Umhverfisstofnunar á svæðinu hvenær undirbúningur fyrir verkefnið hefst og þegar því lýkur með að minnsta kosti sólarhrings fyrirvara.

- Umhverfisstofnun skal tilkynnt um öll frávik við áður útgefna verkefnalýsingu, og eins ef breyting verður á tímasetningu verkefnis eins fljótt og auðið er.
- Virða skal umgengnisreglur sem gilda um svæðið.
- Vandað verði við frágang eftir að verki lýkur.
- Ef upp koma álitamál sem tengjast verkefninu og frágang svæðisins skal hafa samband við Umhverfisstofnun í síma 591-2000.
- Gæta skal að mengunarvörnum þyrlunar og þess gætt að mengandi vökvi berist ekki í jarðveg/vatn.
- Óheimilt er að fljúga þyrlunni nálægt og yfir fuglabjörgum.
- Fljúga skal styðstu leið inn og út af svæðinu.
- Óheimilt er að trufla dýralíf.
- Starfsmenn verkefnisins gangi snyrtilega um svæðið og þess gætt að allur úrgangur verði fjarlægður.

Ef framkvæmdaraðili veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Umhverfisstofnun t.d. lagt fyrir framkvæmdaraðila að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna.

Ef umhverfisaðstæður á svæðinu breytast getur Umhverfisstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyrirséð tjón á náttúru Íslands.

Leyfi landeigenda þarf fyrir sýnatökuni og upplýsa hann um fyrirhugaða þyrlulendingu.

Umhverfisstofnun óskar eftir því að fá afrit af niðurstöðum ofangreindrar rannsóknar án endurgjalds.

Sé skilyrðum leyfis ekki fullnægt getur Umhverfisstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

Virðingarfyllt

Kristín Ósk Jónasdóttir
teymisstjóri

Þórdís Vilhelmína Bragadóttir
sérfræðingur